

北京師範大學圖書館編

北京師範大學圖書館藏

稀見清人別集叢刊

第二十冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

稀見清人別集叢刊

第二十冊

GUANGXI NORMAL UNIVERSITY PRESS
廣西師範大學出版社

桂林



目錄

愛吾廬詩抄

一

信拈草

五九

聽松濤館詩抄

二三九

齊東韻語

五三七

愛吾廬詩抄

〔清〕蔡兆華 撰

愛吾廬詩抄

《愛吾廬詩抄》六卷，清蔡兆華撰，清道光十二年（1832年）刻本。

蔡兆華，字守白，廣東東莞人，附貢生。工詩，著有《愛吾廬詩抄》《草草草堂草》《細字吟》《綴玉集》等。守白性情磊落不羈，惟以吟咏自適，不求人知。

《愛吾廬詩抄》收詩四百一十三首，編爲六卷，前有道光壬辰十二年（1832年）自序。

其詩善寫景咏物，如《秋聲》《秋色》《夕陽詞》《吊蓮詞》《印洲夜月》《出合蘭海》《山行晚雨》類。咏落花「幾

夜東風透碧閨，茶煙輕颺半床低。三生舊夢留雲住，一縷春心抱雨啼」卷一《落花詩》。寫春草「瘦到裙腰青有影，

肥生屐齒綠無痕。紅簫吹散王孫恨，回首天涯又一番」卷二《春草》，思巧意深。抒一己之懷者亦衆：慨人生偃蹇，

「主客兀兀發幽警，半生憂患一晌閑」卷一《雨中過意園主人》；歎疾病纏身，「自從異地聽寒砧，病骨闌珊久廢吟」卷

二《雜感》；恨生離死別，『可憐有限窮途淚，更爲生離死別枯』卷二《雜感》；憤『土豪凌虐』，無奈作《鳴鳴歌》。酬別

唱和之作匪少，與黎圓沙、胡香山諸友多互酬，送別亦有佳者：『遙煙淡淡雨冥冥，疊就陽關不忍聽。月府羽

衣空有曲，天臺雲液久無靈。露從玉雁聲中白，柳向佳人折處青。莫怪兩肩行李重，并挑殘夢出離亭。』卷一《秋

曉留別小明軒》情、景、境皆融。所作哀悼詩能動人之容，如《哭黎圓沙爵仲》《哭胡香山》《追和亡友圓沙柳枝詞》。

作者另有品評詩、畫之作數首。

詩人不區區規撫古人而動與古會，如《七月初四日到家》：『鄰婦掩口嗤，里兒側目視。呼門聲愈低，半晌

一彈指。柴扉閉然開，一童露兩髀。恐復遭詰問，欲趨反遲迤。入門不仰頭，觸階屢顛趾。』頗似老杜《羌村三

首》，同是『字裏行間老淚攙』卷五《杜少陵集》。其詩民歌之風猶濃，譬如：『儂如桃李花，例與東皇約。郎比旖旎

風，會開復會落』卷一《上聲》；『可憐一水更雙流，金鰲洲下鱖魚洲。洲洲連接流流急，不送歸舟送去舟』卷一《蕪城

竹枝詞》。

然亦有不甚風雅者，如《莞江棹歌》；有了無趣味者，如《聞女道士六姑嫁人生一女戲作》。（傅怡靜）

愛吾廬詩鈔

序

予鈔壬辰以前詩得四百二十三首邇來多病廢書未
必他年復有進境因編爲六卷以付剞劂予領外之鄙
人也既無名公鉅卿以廣聲氣復少奇山異水以拓胸
懷年逾三十徒輾轉泥土吱吱作蚯蚓鳴其弗能抱此
一卷鳴

國家盛可知也然飢鼠轉壁而自呼小魚出膏以自煮
自吟之自悅之卽不妨自存之工拙所勿計笑罵所勿
恤耳予性迂訥弗能求人作序聊書此以弁卷端道光

愛吾廬詩鈔

序

壬辰七夕後三日吾廬居士書於愛吾廬之草心堂

愛吾廬詩鈔目錄

- 卷一古今體詩八十一首
- 卷二古今體詩六十八首
- 卷三古今體詩七十九首
- 卷四古今體詩七十五首
- 卷五古今體詩五十七首
- 卷六古今體詩六十三首

愛吾廬詩鈔

目錄

愛吾廬詩鈔卷

東莞蔡兆華守白

夢遊洞庭

泠泠風送洞庭波半枕春魂託夢婆九面疑山一面水
不知何處瑟聲多

吾園雜詠 三首

偶探春信到閒園溼翠濃煙攪作屯進出一雙紅蛺蝶
侍兒說是海棠魂

當年戲摘梧桐子與婢爭拋亂石旁今日桐成儂亦長

愛吾廬詩鈔 卷一

不知棲鳳可高翔

又曳櫻綰穿竹去徑無松菊憐淵明無絃不似無琴好

自愛籬邊聽鳥聲

獨坐

兀兀盤跼罷嘯歌酒情詩境不生魔客無抵掌而談者
童奈垂頭欲睡何破幔日遲睇燕懶小鈴風定落花多
鳳皇且養三年翮那管人間有網羅

雨中過意窗主人

疎簾打蕉蕉打雨莎雞羽溼躍其股美人冒雨剪蕉葉

權當青蘿向窗繡枯蠶當畫光不刪一髮溼蘚綠几斑

主客兀兀發幽警半生憂患一晌閒

秋色

落葉下西風斜陽墮影紅微霜弄秋色幾日上吳楓新
燒赤於染斷霞明一叢江天誰喚破雲外有孤鴻

秋聲

惻惻潘郎賦蕭森杜老詩那將今夕感鬱作古人悲獨
語哀蟲答秋心落葉知寒砧敲不盡和淚散天涯

閨月曲

愛吾廬詩鈔 卷一

清輝今夜月不獨照長安少婦中宵起空牀掩淚看憐

郎馬頭影入妾夢魂寒一一關山路模糊欲記難

次韻黎圃沙除夕立春雨後孟山晚眺

此日登臨恰晚晴迎新送舊總魂驚歲從葭管灰中盡
春向萬盤澤處生細雨鐘聲紅葉寺疏煙仗影綠楊城
錦裊賣冷君思否莞俗除夕兒童持鵲卵唱曰賣冷仔賣冷兒五度緇雞綠

燕情

次意窗主人羊城畱別韻兼效其體

誰知是死別胡爲淚霑襟領仰天漢浮雲掩橫參攀

條折嘉木木葉何森森芳華委流水蕩漾不可尋但保
蘭蕙質離居而同心生當作萍聚死當作煙沈願爲西
隅月同光照珠林

夜臥紙帳中口占

四面風檣豁達開一重紙帳一重梅中間一个林和靖
消受花魂入夢來

囉嘖曲 四首

鏡圓圓似月妾貌鏡中傳祇隨圓月圓不與圓月圓
取行令妾病妾病使醫飢醫飢不足惜持底寄耶衣

錢子履詩鈔 卷一

無用覓金錢燈前卜凶吉王孫有歸期芳草有歇日
咽咽秦淮水朝朝江口人一聲囉嘖曲花落鏡湖春

秋曉畱別小明軒

遙煙淡淡雨冥冥壘就陽關不忍聽月府羽衣空有曲
天台雲液久無靈露從玉雁聲中白柳向佳人折處青
莫怪兩肩行李重併挑殘夢出離亭

白鷺和康次山

年年長傍水爲家應梅鷗覺結伴差掠月翹雲支不定

一團冰影墮蘆花

上聲 八首

摘葉不摘花畱花照妾容摘花不摘葉畱葉蔽遊蜂
儂如桃李花例與東皇約郎比旖旎風會開復會落
花落待花開郎去待郎回五月不煎油何時上儂頭
頭上釵頭烏刻玉作雌雄雌雄頭上老愁殺白頭翁
打起白頭翁收香復頭倒餘香收已盡變作斷腸草
一草抱一豆纏絲何限情寧爲合懽死不作相思生
相思拌不贈相別拌不憶開簾見菴絲縷縷將愁織
織愁寄西洲摘蓮答南浦食蓮不到心那解甘中苦

錢子履詩鈔 卷一

七夕同胡香山黎圓沙康次山

簫聲如水咽雲頭吹落芙蓉片片愁析木有津仍駕鵲
聘錢無術償牽牛三年不拜長生殿五色空縣乞巧樓
至竟別離天上好人間耐得幾回秋

康次山以西湖懷古十章索和同胡香山黎圓沙

王玉山方外五芝子分得南宋 二首

紅樓翠舫白藤車詞客頻年弔宋家萬古湖山餘涕淚
六橋花柳當桑麻徒令汴道連珠塔終見匡門駐翠華
惟有棲霞一片止行舟指點說龍沙

疊疊棲霞連葛嶺千秋遺恨壞長城蟋聲祇博佳人笑
驢背徒傷上將情銀蠟一丸書未報金牌三字獄先成
可憐廿四橋邊水猶作兩宮鶯佩聲

莞城竹枝詞 八首

錦瑟紅牙聞印洲春風管領到青樓落花墮地無人拾
又上當盧小婦頭

珠簾燈火萬花紫傍水紅窗夜氣生樓下水聲樓上笛
行人喧雜妾分明

可憐一水更雙流金鼇洲下鰈魚洲洲連接流流急

愛吾廬詩抄 卷一

五

不送歸舟送去舟

生涯少小住西塘肯讓吳門鼓棹煩儂舟祇渡還鄉客

不渡江湖浪跡郎

圓沙亭接水仙宮頭踏香塵擁鏡中生怕麒麟銀作甲

寒光射妾枕痕紅圓沙亭側句欄錯雜水仙賽會時羣妓鑿銀作麒麟甲

青簾一帶護羅紈扇影衣香溢畫欄姊故喚鶯儂喚燕

祇教人聽不教看

月明如水咽歌喉翠幔家家盡上鉤愁殺一聲要樂仔

秋風吹上望夫樓前兒童僕諸果爲唱日要樂仔要樂兒

烏油小轎黃旗路小婢圓脉認得無菸筒長出轎簾外
如是儂家第二姑

秋江曲

風吹荷葉雨散作一池秋舟上誰家曲檻中忽變愁解
常紅引鴨打槳白鷺鷥欲把郎船覓鷺鷥據上流

楊白花

久不經攀折朝花復暮花春風吹妾夢和絮墮郎家細
縷縷青瑣沈香怨紫霞踏歌招不轉宮笛起棲鴉

綠春詞 四首

卷一

六

春風遙引小牛車記取雞坊舊狹邪楊柳作門花作路
亂紅深處是儂家

倚樓終日弄嬌妝眉葉何如柳葉長卻問東風忙底事

朝朝吹綠上垂楊

祇解相憐不解顧偷呼小玉屬頻頻莫將紅豆調鸚母

啄碎相思愁殺人

羅襪香堦小立遲此情難說與郎知花心爲惜酣眠蝶
替祝春風住少時

采蓮曲

宋蓮莫折莖采蓮莫斷藕絲會牽愁莖刺能傷手采
蓮愛蓮花紅妝臨水明朱霞蓮花貪結子落英不惜隨
泥沙蓮子心焦更苦姊愁風妹愁雨雨復風秋江墜芙
蓉芙蓉驚散鴨可數舉楫打鴨羣鴨銜芙蓉渡江去隔
江女解紅裙縱江哆哆人不聞人不聞日已暮不如轉
棹尋歸路吳歌一聲破香霧

折楊柳曲

酌離卮度離曲佳人敲折搔頭玉憶昔嫁君時楊花撲
面迎今日送君去金盞怨流螢送君去握君手不須殷

愛吾廬詩集 卷一

勤折楊柳男兒生富志四方賤妾空牀甘獨守

燈花篇

重簾委地闕明月院落沈沈爐篆歇纔看壁帶引瞳矓
漸見銅葉生秘辭小鬟解意拜殷勤笑指銀釵花忽發
花發花爭妍春心夜夜縣金迸銀光亂紅拋豆影圓的
的花顏明扇底僮僮舞影墮尊前尊前扇底春如許含
怨含情不能語歲暮自愛鎖雙鴛樸刺誰禁弄飢鼠不
思羅帳蕩秋煙不思醒枕曉春雨春去秋來脈脈期長
門長信更堪悲花迎翡翠分光立風動玫瑰淺笑知君

王紙醉金迷日賤妾星零雨暈時空房如水鳥曉警素
彩含秋弄秋影秋影秋燈夜夜心一聲刀剪一聲砧裁
衣幾誤短長幅檢點金錢燈下卜裙帶多書吉兆詞畫
屏背立呢喃祝拔釵再祝燈已滅薪煤漸墜鴛鴦稀丸
回空見然腸斷千里何曾照夢歸袖心空意恹彈淚沃
愁根願化南油并北燭天涯海角共黃昏龍堆夜照征
人面雞旅秋醒蕩子魂花開花落何窮已郎不歸來儂
老矣孤檠守冷君未知一縷離魂繞江水

烏夜啼

愛吾廬詩集 卷一

醒枕孤衾淚萬行曉烏愁月月愁霜不嫌驚妾遶西夢
夢到遶西更斷腸

自君之出矣 四首

自君之出矣不怨春風慳春風吹妾夢止到玉門關
分手即千里思深夢反疎豫裁答郎札日日待郎書
研卻芭蕉葉休令滴雨聲滴多心緒亂不得數行程
幾日登樓望秋風障塞塵白雲最多處定有望鄉人
夜訪陶又令不遇

去秋子客陳村好作壙垣遊偶失道荒煙蔓草

間一曳倚門滿灑軼塵表就揖問道因止宿焉
雞黍次出婢采松采菊行酒而茗則風餐月餐
絕世無儔子作好女兒詞有豆不憐紅雲原愛
紫愁殺分司之句主人欲薄其價相贈予以親
嚴年幼辭今已一易寒暑復客斯地酒闌興發
踏月訪之門戶全非無復天台吠犬矣回思孤
客雙鬢萍蹤梗迹依稀如在夢中也不覺感而
有賦

言問莫愁當日村藤龐樹影鳥驚喧踏迷楊柳煙中路
錢君雁詩鈔卷一

敲碎梨花月下門前度劉晨空有夢重來杜牧已無恩
裴回三徑思松菊銷盡蒼茫獨立魂

胡香山屬題孤舟泛雨圖卽以送別

客獨胡爲者孤舟犯雨行雲博峯午午水齧石庚庚我
輩別離苦世途波浪驚那堪後兩岸繞紙助風聲

胡香山將往河南芸生女史拔釵爲驢詩以助之

二首

寸壁僖妻饌千金漂母祠從來天下士偏有婦人知衣
染蘭陽雪囊分盡饌貴河梁一揮手白日下楊枝

此去中州路依人事可歎囊堅雖速脫劍短欬休彈門
卜身名重閨中報答難明年桂花發莫在異鄉看

秋夜送別香山 二首

秋煙凝不散秋月瘦不明秋風吹離愁散爲哀蟲鳴蟲
聲四野來似與痛哭并開目但慘黑疇能獻一觥加餐
語久歇始悟君已行起立振衣望滿身落葉聲

路氣壓琴絃琴聲如秋聲一聲鳥反哺一聲雁孤鳴不
惜鳥與雁惜爾鮮弟兄勿以無方故使親搖心旌桑榆
不自保安望兒成名割予菽水歡博汝湖海情請錄琴

錢君雁詩鈔卷一

中言寄君早歸排

印洲夜月

鄰姊向懷道舟前月鏡浮大家休掬去畱取照梳頭

鰲洲釣雪

昨夜鰲洲畔漁竿壓雪斜阿儂不解凍祇道傍蘆花

睡蝶和意窗主人

黃金劫盡委松惺小海年來眼不青牽引芳魂悲柳幾
圍藥香夢怯花鈴索於漆吏形之外疑到滕王筆未靈
多事尋春人撲醒又隨紈扇度疎櫺

○落花詩 八首

雲埋月姊星墜天孫丹顏不注碧海難填贖一
堆之粉淚憶四角之詩盤往日荷芭不唱定情
之曲祇今蓮幔惟辜續命之絲則有九髻嬌娃
佩觿童子珊瑚共格兩小無猜翡翠聯窗三生
戲訂一自參媒氏灼強分連理之釵遂令鳳泊
鸞飄各抱不圓之鏡逮夫華年十五妾食猩脣
刁管一雙郎悲龍骨褪盡鉛紅粉翠北部脂愁
彈成鴝鵒別鸞離西秦箏苦顧家婦濟尼能識一

落花詩 卷一

十一

必培稱意之花邯鄲娘廝養奚堪兩地種縣腸
之草是則碎茲骨粉難酬慰於今生除是眉
痕豫訂張郎於再世者矣於時黃輿浩浩白晝
蒹葭藥惟獨活菊不延齡紫瓦泥乾夢裏墜鴛
鴦之影綠鬟香散煙中蝴蝶之痕百年苦樂
由他人一代紅顏爲君盡佩絕丁冬歌枕子夜
嗚呼痛哉殘脂在蠶斷墨銷紈廿年幻影九度
回腸吟成幾柱白楊燕奪畫樓之魂弔罷一坏
青草復呼紫塞之魂嗚呼痛哉僕本恨人生沈

苦海才輪八斗難逢洛浦之神偶問六如空送
錢塘之妾抽情繭以彌長纏膠絲而莫解填成
恨譜非字非珠淹透情牋是淚是血

緣慘紅愁細雨天五陵有客弔花鈿黃金再擲難開笑
紫玉重逢止拜煙春老誤遲蜂作使夢回休羨蝶如仙
幾生枉說修能到爭得空曇墮眼前
生能解語死無言誰識亭亭倩女冤五願祠荒離懺命
十離詩苦易銷魂塵生水面風猶聚佩冷雲頭月不喧
膽有玉鉤斜畔鳥和煙和雨位黃昏

落花詩 卷一

十一

苦樂參差欲訴誰枉將花命託封姨鏡中新冤金難鑄
帳底遺真玉亦疑滿地綠魂慘惻蟬一簾紅淚灑燕脂
竝無結子成陰日稍慰重來杜牧之
纖離枝葉便天涯飛燕飛茵一撲埋續命無絲纏玉臂
長生有善記金釵蛾眉肯向塵中畫鴛鴦偏從判處垂
莫把榮枯問蘇直花鈴不挂挂花牌
獨擁寒鐙聽小樓雨中環佩尚縈陽春飄萬原無歸
香夢分明不到頭天上似聞仙亦謫人間應悔物稱尤
浪誇寶相三千富參到菩提樹更愁

幾夜東風透碧閨茶煙輕颺半牀低三生舊夢留雲住
一縷春心抱雨噓靈藥悔偷蟾怨月餘香未散燕銜泥
有人獨剪招魂紙敢畏盤塘冷露迷

塵掩溫姬玉鏡臺珠繩翠幕盡生災琵琶有鐵彈雞塞
羅襪無金報馬鬼已墮金花難問劫敢雷兒草再含胎
館娃舊是埋香地可有香魂化蝶來

淚灑天荒地老中郵亭酒醒萬緣空烏嘯楚驛千砧月
鳳怨秦樓一笛風色界龍司章上綠塵寰小謫劫拋紅
門前不見桃花笑我較崔郎命更窮

愛吾廬詩鈔

卷一

閨人夢遠

此夜閨中月遙知滿大刀沙場如可到妾夢敢辭勞淚
到黃山盡魂馳黑海高嶺中三十萬何處擁干旄

昨飲鄭校書醉經堂約今夕復相招時月已上窗

簡猶未至呼童踏月影持此調之

珠簾銀燭照華妝眞箇仙城百戲場侍女洗紅歌樂府
吳君浮白醉經堂四圍柳絮風交影一簇梨花月浸香

一夜春光如昨夜雲英偏惜半甌漿

黎圓沙招同吳郎集鴻雪樓二首

雪泥指爪暫留鴻莫向尊前話塞翁東野窮愁思射鵰
西園官爵笑雕蟲當盧楚女能行雨欲渡吳郎竟畏風
詩美鄭微渡如此煙花拌負卻酒醒何處問飛蓬
江國夢思學書學劍不求知煙月無情我亦疑入世可能容我醉
當歌宜各領其私紅催酒面花三鼓綠上樓頭柳一旗
此會焉知能再得綠雲容易散南皮

別諸友

半夜寒江散白蘋不聽驪曲亦傷神浪婆遍地風波險
山鬼連天薜荔新元壁尙懸秦殿淚無金枉畫漢宮春

愛吾廬詩鈔

卷一

古

孤帆落日一杯酒君抗清塵我俗塵

同黎圓沙過亡友陳春卿墓

莫歎元規埋玉地白楊青草又成塵瀟瀟風雨重回首

一片蟲聲喚故人

哭黎圓沙爵仲

鬱鬱紫荊哀哀春台凡今之人誰無弟兄惟子與汝顧
影而孤鳴相憐復相聚相聚期相成少年死別萬古情
一淒悲復淒悲酸風入我離訃音自天下痛定信復疑
君今有婦未有兒天其未絕善人後鬼神焉得而禍之

解 總角之交惟交以神君幼失怙依母食貧子嘗就汝

嬉汝母愛我如愛汝身教汝弟子子兄汝剖肉分粟食

必均歷轅軻之歲月嘗盡桂之苦辛至今尚憶阿母仁

嗚呼汝亦尚憶阿母仁

解 三男兒弱冠未成名各死已矣

安能變於世爭寸晷猶憶子去年得失結成痼寒

裏病骨聯牀話終始子胡為乎春而有秋悲子胡為乎

盛而得衰理痛壯志分未酬懼溝壑今長委君念我三

葉孤傳未有妻孥弟妹兄姊作此不祥言蕭蕭白髮復

誰倚感君此語良痛心奈何君竟先予死

解 四前者羅浮

愛吾廬詩鈔 卷一

雁遺我尺素書但言瘧疾作不久歸故園其夕朦朧間

夢君過吾廬玉貌美如昔恐非多病軀蒼黃未暇一握

手兩耳剝啄魂擲掄開目不見汝惟聞童輩竊竊語汝

家走遍醫與巫天乎蒼蒼乎吾將叩蒼蒼而大聲疾呼

解 五曉怪風之瑟瑟吹我至休文之病室是時口噤肢漸

僵瞠莽視我眼光失阿母含淚言藁帖去世疾遺此害

丁兒青鐙長繞膝娶婦喜方娠未卜與吉長者尙弗

保况乃腹中物苦語不可答口弛工慙慙歸來憶母言

絕吟哭三日哭三日死生畢

飢者知憐同病孰無之哭伊仍哭我哭我轉瞋伊寡母

在堂兒在腹忍使荆妻欺畫燭君於不孝大奚

解 七

追和亡友圓沙柳枝詞 六首

不絆春風止絆愁棲雅瑟瑟燕歌斜陽滿地秋煙散

玉笛何人更倚樓

原唱云何折暮攀攀折盡節聲愁殺倚樓人

剪刀裁出萬條春一擲靈和殿裏身今日東風吹不起

舊開青眼看紅塵

勸君須惜好年光弱質沾泥自古傷勸君莫唱陽關曲

不信生離亦斷腸

原唱云愁到生離過死別勸君仔細聽陽關

愛吾廬詩鈔 卷一

舊事嗟烏訴不真斜風細雨最酸辛琵琶十院楊枝女

誰唱章臺去後人

原唱云根殺柔絲千萬縷牽人魂夢到章臺

隔溪人唱柳枝歌萬縷黃金奈爾何能結同心難續命

柳絲不及綠絲多

十二橋邊月不明招魂費盡暮蟬聲憐伊化作浮萍去

猶有風波恨未平